



**ATA OFISIAL DI INKONTRU
REUNION DI KUMITE SKULAR DI BOSTON**

tersa-fera, 15 di Febreru di 2022

Kumité skular di Boston rializa um riunion rimota dia 15 di Febreru di 2022 ,17 ora na Zoom. Pa mais informason sobri kualker un di kes itens listadus dibaixu, vizita www.bostonpublicschools.org/schoolcommittee, e-mail feedback@bostonpublicschools.org ô tilifona pa o skritóriu di Kumité skular di Boston pa (617) 635-9014.

PRIZENSA

Membrus di kumité skular Prezentis: Prizidenti Jeri Robinson; Visi-Prizidenti Michael O'Neill; Stephen Alkins; Brandon Cardet-Hernandez; Lorena Lopera; Rafaela Polanco Garcia; y Riprizentanti Studantil Xyra Mercer.

Menbrus di Kumité Skular Auzenti: Sr. Tran.

DUKUMENTUS APREZENTADUS

Ajenda

PowerPoint di Konsehu Nasional di Prufesoris Sirtifikadu

Minuta di Riunion: kuarta-fera, 2 di Febreru di 2022

Memorandu di Akordu entri Skolas Publiku di Boston y Sindikatu di Prufesoris di Boston en Rilason a Pulitika di Virifikason di Vasina na Munisipiu - TABLED

Pulitika di Vasinan kontra Covid MOA na PowerPoint

Diklarason di Inpaktu sobri Ikuidadi Pulitika di Virifikason di Vasina di Sindikatu di Prufesoris di Boston

Memorandu di Numiason di Ikipas di Trabadju di Studentis di Lingua Inglés

Karta di Horace Mann Schools sobri Priudu di Pagamentu

Reunion rimotu di kumite Skular di Boston
Zoom

tersa-fera, 15 di Febreru di 2022

Diklarason di Horace Mann Schools sobri Impaktu di Igualdádi Salarial na Insinu Alargadu

Karta di Boston Green Academy

Karta di Dudley Street Neighborhood Charter School

Karta di UP Academy Boston

Karta di UP Academy Dorchester

Manual di Vagas pa Superintendenti di Asusiason di Kumison Skolar di Massachusetts (MASC)

Aprizentason di Prokura di Superintendenti, 15 di Febreru di 2022.

PIDIDU DI ORDÍ

Prizidenti Jeri Robinson konvoka un riuniaon y el lidera un juramentu di lieldadi A Sra. Sullivan Txoma psoal. Sr. Tran staba auzenti. Sr. Cardet-Hernandez y Sr. O'Neill entra na inisiu di sison izikutivu. Tudu kes otus membrus staba prizenti.

Sra. Robinson anuncia ma Kumite ta adiaba imediatamenti un sison izikutivu ku prupozitu di organizaba un sison stratéjiku rilasionadu ku nigusiason kuletivu ku Sindikatu di Prufesoris di Boston y organiza un sison stratéjiku pa pripara pa nigusiason ku Superintendenti di Skolas (funsionáriu ka sindikadu). Prezidenti Robinson anuncia ki Kumite ta volta pa seson publiku pa 18hr.

ADISIONA À SESON EZEKUTIVU

Aprovadu – Pur xamada, Kumite vota unanimentu pa adia imediatamenti un sison izikutivu ku prupozitu di organizaba un sison stratéjiku rilasionadu ku nigusiason kuletivu ku Sindikatu di Prufesoris di Boston y organiza un sison stratéjiku pa pripara pa nigusiason ku Superintendenti di Skolas (funsionáriu ka sindikadu).

VOLTA PA SISON PUBLIKU Y ORDEN DI XAMADA

Prizidenti Jeri Robinson torna konvoka reunion na sison publiku aprosimadamenti 6.37 di tardi. El anuncia ma Kumite kaba di volta di un sison izikutivu pa prupozitu di rialzason di un sison stratéjiku rilasionadu ku nigusiason kuletivu ku Sindikatu di Prufesoris di Boston y rializa un sison stratéjiku pa pripara pa nigosiason ku Superintendenti di Skolas (funsionarius ka sindikadu).

**Reunion rimotu di kumite Skular di Boston
Zoom**

tersa-fera, 15 di Febreru di 2022

Sra. Robinson fla ki riunion di oji di noiti staba ta ser transmitida en dirétu na Zoom. Ta ser ritransmitidu na TV di sidadi di Boston. També ta ser publikadu na bostonpublicschools.org/schoolcommittee e na YouTube. E anusiaba ma staba dispuniel sirvisus di interpretason simultânia na spanhol, kriolu haitiano, Kabuverdianu , vietnamita, kantonês, mandarim, e língua jestual amerikanu (ASL). intérpretis presenta sés kabesa y es da instrusom na sés línga nativa sobri modi kes ta asesa interpretasom simultânia através di mudansa di kanal Zoom. Dukumentus traduzidus di reunion sta postadu na www.bostonpublicschools.org/schoolcommittee antis di inisio di riunion.

Anunsiu Spisial – Sra. Robinson fla ma un bukadinhu antis di inisio di reunion, Tribunal di Rikursu di Massachusetts imiti un disizon ta alarga si dispaxu antirior pa manti pulitika di mandate di vasina di Sidádi. El anunsiaba ma Kumite ta **kontaba** ku votus d-es noti na Memorandu di Akordu ku Sindikatu di Profesoris di Boston di forma a pirmiti konsultor juridiku analiza disizon y ses inpaktu.

SITASONS: PROFESORIS SIRTIFIKADU PA KONSELHU NASIONAL

Superintendenti Adjuntu pa Lideransa y Dizinvovimentu di Profesoris, Shakera Ford Walker aprizenta un pikenu vizon jeral di prugrama di Profesoris Sirtifikadu pa Konsehu Nasional. Erik Berg, Visi-Prizidenti di Sindikatu di Profesoris di Boston, y Paul Tritter, Diretor Formason Prufisional pa Sindikatu di Profesoris di Boston, filisita ominajiadus.

Sra. Robinson aprizenta y kongratula sigintis profesoris di BPS ki risentimentu ganha ô rinova sirtifikason komu Profesoris Sirtifikadu pa Konsehu Nasional:

- Edwin Cebrian, Mozart Elementary School
- Sinta Cebrian, Henderson K-12 Inclusion School
- Quayisha Clarke, Grew Elementary School
- Hannah Erickson, Boston Day & Evening Academy
- Emmanuel Fairley-Pittman, Grew Elementary School
- Priscilla Lau, Boston Latin Academy
- Jesse Southwick, Boston Latin School
- Bridgett Driscoll, Brighton High School
- Mary Jacques, Edison K-8 School
- Matthew Kazlauskas, John D. O'Bryant School of Math and Science
- Amanda Minerva, Mary Lyon K-8 School
- Aaron Osowiecki, Boston Latin School
- Carla Zils, Edison K-8 School
- Deborah Weitz, Mozart Elementary School
- Nicole Da Silva, Boston International High School
- Brian Leussler, Boston Latin Academy
- Silvia Gonzalez-Powers, Roosevelt K-8 School

tersa-fera, 15 di Febreru di 2022

APROVASOM DI ATA DI RIUNION

KonferidU - pa chamada nominal, kumité aprova pa unanimidadi ata di reunion di 15 di Febreru di 2022.

RELATÓRIU Di SUPERINTENDENTI

Sima preparadu pa intrega.

Obrigadu, Senhora Prisidenti, y obligadu pa tudu nhos ki sta ku nós hoji nés noti. Parabens otu bes pa tudu kes profesor inkrivel ki ten stadu ta resebe ses Sirtifikadu di Konselhu Nasional. Sirtifikadu di Konselhu Nasional é maior sertifikason ki un profesor pode konsigi, para alen di ser un di kes rikunhisimentu más ruspetadu. Tudu alunu merese ser inxinadu pa un profesor atensiozu y konpitenti, I idukadoris ominajiadu a pokus minutu é izénplu di mison di BPS di disponibiliza un ixsilenti idukason pa tudu ses alunu. Obrigadu pa bu didikason y sirvisu pa distritu mas más inportantim pa jovens. Mutu obligadu a Sra. Ford-Walker y Sr. Tritter pa ses didikason a ixsilénsia komu profesor y ses trabadju pa alarga apoiu di NBCT pa nós profesor. N ten un rilatoriu kompletu es tardi, nton N ta kumesa logu.

Ultimu Sigunda fera, N anuncia ma N ta binha transfiriba di nha papel komu Superintendenti na final di anu letivu. N sta xeiu di gratidon sima N ta rifleti sobri tudu kes susésu, midjoras y kaminhas pa prugrésu ki nu prikori djuntu. Sima N afirma na nha karta pa familias simana pasadu, N sta ton didikadu a Boston y nós alunu di BPS sima primeru dia ki N txiga na Boston. Ten sidu un inormi onra sirbi kriansas di Boston y N ta kontinua ta faze u mesmu pa restu di anu letivu. N sta inpenhadu a un final di anu letivu forti y ben susididu y un tranzison suavi pa prósimu lider ki sta ben entra. Prioridádis ki N istabilisedu ultimus anu y prumesas ki N faze nhos inda é prioridádi pa mi. Y apizar di nu ka ter konsigidu tudu ki sta na nós lista di afazeris, nu konstrui un bazi forti pa futuro. Tanbe bu pode le más sobri maioria di trabadju ki nu ten konsigidu faze djuntu na www.bostonpublicschools.org/bpsforward.

Infilismenti, gosi N sta ben fala di alguns nutisia tristi. Antiga Prizidenti di Kumite di Skola di Boston, Sra. Jean Sullivan McKeigue falese dispôs di sufre ku un duensa duradoru. Jean Sullivan McKeigue presta sirvisu na Kumite di Skola di Boston desdi 1980-84, komu visi prizidenti na 1981 y prizidenti na 1982. Duranti se mandatu, el nigosia ku 13 sindikatu, el trabadja ku organizasons kumunitáriu pa promove kolaborason privadu y publiku ku skolas publiku, el da inisiu a un konjuntu di reformas y riorganizacion, el trabadja ku lijisladoris statal y lideris kumunitáriu lukal na tudu bairu, y elf oi prizidenti di kumite pa prokura superintendent ki rikumenda kontratason di Dr. Robert Spillane. Sra. McKeigue ten sidu un menbru di un konjuntu di konselhus sivil y kumites na ária metropolitan di Boston y presta sirvisu komu profesora na skolas publiku di Chicago. El abri kaminhu pa mudjeris konsigi ses mestradu na jiston na Columbia na anus 70 – ku foku na planiamentu inprezarial y stratéjiku, dizenvolvimentu organizasional y rilason intergubernamental y kumunitáriu duranti un bolsa na Sloan School of Management di MIT. N kria aprizentaba nhas sinseru kondulensia pa familia di Sra. McKeigue, y en spisial pa se filha, Diretora Joanna McKeigue Cruz di Samuel Adams Elementary School na East Boston. Nha kurason sta ku bo duranti es tenpu difisil.

tersa-fera, 15 di Febreru di 2022

É tanbe ku kurason pizadu ki nu ta anunsia morti di nôs kolega y amigu di Gabinete Sentral, John Harris. John foi menbru di Dipartamentu Informátiku desdi 1984 y risentimenti el reforma pa pode pasa más tenpu ku se mudjer y fidjus na Marshfield. Txeu bes txomadu di “Johnny” pa ses amigu y familia, el nasi y kria na West Roxbury y foi finalist ana Catholic Memorial High School. John frikuenta Northeastern University y dispôs bai trabadja na I-T pa nôs na Skolas Publiku di Boston pa kuazi 40 anu. El gostaba di bai pêska k uses irmon, y tanbe bai mar senpri ki pusivel. El tanbe gostaba di pasaba tenpu na Florida y toma konta di si Jardin tudu veron. Di akordu ku nôs Xefi di Informason Mark Racine, John tinha un million di stória di “un bes” y algun di kes midjora nunca ka ta konsigi riptidu! Nhas pezamis pa mudjer, familia y amigus di John, y pa menbrus di Gabinete di Instruson y Teknulujia di Infurmason ki trabadja kuel na ultimus 40 anu. Gosi N ta ben avansa pa asuntus puzitivus di nha rilatoriu.

Dôs sindikatus di trabadju ta riprizona iletrisistas faze duason di un karinha novu ku ikipamentu di iletridadá di na valor di 10.000 dolar pa Madison Park Technical Vocational High School. IBEW Local 103 na Boston faze duason di karinha, dikoradu ku un inbrulhu prufisional na koris di skola, gravadu ku palavras "Madison Park Electrical Dept." na lateral di karinha. Un Asusiasion di Inpreterus di New England na Greater Boston (NECA) faze duason di ikipamentu, inkluindu firamentas ilétriku, kapasetis, PPE y merikadurias di marka ki intxi karinha. Inpreteru McDonald Electric tanbe djuda na kordenason di inisiativa di duason, atraves di transfirénsia di titulu di karinha di IBEW Local 103 pa Madison Park. IBEW Local 103 y NECA é parserus valiozu di liseu, ki ta oferece txeu oportunidádis tékniku y prufisional pa alunus y finalistas di Madison Park. Obrigadu, IBEW Local 103 y NECA pa tudu ki nhos faze pa nôs alunus y di bai para alen di nhos diver di izenplifika un virdaderu parsiria ku Madison Park. Gosi N ta ben avansa pa atualizasons a nivel distrital.

Sima nu tinha partilhadu antis na kumite skolar, distritu ta bai faze un investimentu krusial na alfabetizason y na ambientis skolar suguru y akulhidor ku ixpanson drástiku di asésu a livraria atraves di ESSER. *Boston Globe* des dmingu publika un artigu ta fala sobri nisisidadá di más invistimentu. N kria traba un mumentu pa tantu riafirma nôs kunprumisu ku es garantia di kualidadá y pa fornese dôs pontu di klarifikason. *Globe* diklara ma declarou ma numeru atual di bibliotekárius sirtifikadu pa alunu é di 1 pa 6.700 kuandu na verdádi é di 1 pa 2.300. Oras ki nu ta inklui nôs biblioteka ki é apoiadu pa nôs paraprufisional, prupurson ta bira 1 pa 1000, u ki ta bai di akordu ku media di stadu di 1 bibliotekáriu pa kada 1.450 alunu. Para alen di kela, nu sta ta prupoi más 33,5 puzison na 37 biblioteka skolar komu parti di un inisiativa distrital pluriannual ki ta bai kria un prupurson di 1 bibliotekáriu pa kada 530 alunu prujetadu na skolas afetadu. Para alen di kela, é inportanti liga kel invistimentu li a nôs invistimentu más anplu y afoku a nivel distrital na alfabetizason ikuitativu. Asésu alargadu a bibliotekas ka sta substitui lugar di alfabetizason, y sin é paralelu a el. Nu sta ta faze invistimentus krusial na intervensions di leitura na nôs skolas ki meste-s y asesa apoiu a leitura baziadu na regras na kada skola tanbe. N sta intuziasmadu pamodi au longu di prósimus três anu nu ta bai alkansa nôs objektivu di ten biblioteka na tudu skola ô asesu skolar na skolas BPL undi ten un biblioteka pertu. É inportanti pa mi ser klaru sobri invistimentus ki nu sta ta faze y distaka inkrivel trabadju di nôs ikipa bibliotekáriu au longu di distritu.

Dispôs di txeu riflekson y konsulta ku alunus, famílias, funsionáriu, y spisialistas na Saudi publiku, BPS ta ben adota un abordajen adikuadu pa testi di COVID-19 na skolas. Kel novu

tersa-fera, 15 di Febreru di 2022

pulitika li ta bai entra en vigor dia 7 di Marsu di 2022. En parsiria ku CIC Health y DESE, tudu alunu y funksionáriu di BPS ta bai ten asésu a un testi rapidu antijéniu di faze na kaza tudu simana y nu ta bai kontinua ku nôs testi en masa. Tanbe nu ta bai kontinua ta dispunibiliza testi pa individus ku sintoma, kazu nisisáriu duranti skola. Kel novu abordájen li ta bai prupursiona más asésu a testis di COVID, y ta bai substitui prusésu asusiadu ku protokolu di faze testi y pirmanese, sima sta n-es mumentu, spisialmenti tendu en konta rendimentu txeu baxu en rilason a identifikason di puzitivus. Sima rikumendadu pa DESE, nu ta bai interonpe “faze testi y pirmanese” y rastreiu individualizadu di kontaktu asusiadu a el. Si tiver un rizultadu puzitivu, inda sin nu ta bai testa tudu alunu di kel konjuntu individualmenti pa ditirmina kenha ki da puzitivu. Diferensa é ki inves di nu testa duranti 5 dia sigidu, kel ki ta fladu “faze testi y pirmanese”, nu ta bai pidi alunus, funksionáriu, y familias pa es kunpanha sintomas y es ta bai ten asésu a un testi rapidu adisional pa uza na kaza. Si un alunu dizinvolve ô sta ta mostra sintomas na skola, el ta bai fazedu testi rapid una skola. Kel alterason li sta di akordu ku prugrama di testis DESE atualizadu, ki ta “rikumenda fortimenti” administrason di testis simanal di antijéniu na kaza y intironpe rastreiu di y testi di permanénsia. Nu ta bai kontinua ta kumunika ku nôs kumunidádi skolar en rilason a kazu puzitivu di COVID-19 na suas ses rispetivu kumunidádi. Ku rializason di testis konjuntu un bes pa simana, testi sintomátiku y grandi dispunibilidádi simanal di testis fdi faze na kaza, nu ta kridita ma nu ta sabe rapidamenti kenha ki da puzitivu pa COVID-19. Sima nu ta kontinua ta prende y ta adapta ku kel pandimia li, nu ten stadu ta trabadja ku nôs parseru di Kumison di Saudi Publiku di Boston pa orienta-nu na nôs trabadju y toma mididas pa risponde a tendénsias di Saudi publiku na nôs Sidádi. Nu sta ta kumunika es atualizason li na un karta pa familias manhan, dispôs di nu partilha-l ku Lideris Skolar, infermeras di skola, y otus funksionáriu. Antis di implimenta kel pulitika li, nu ta bai rializa dôs reunion kumunitáriu na Sigunda fera 28 di Febréru 5.30 di tardi y Kinta fera, 3 di Marsu 5.30 di tardi. Pa más informason y pa rijistra pa kes reunion kumunitáriu li, vizita <https://www.bostonpublicschools.org/covid-19>.

Nu ten vindu ta sigi anunsio di CDC y di funksionáriu di stadu di Saudi publiku y idukason ma pode kontise un riduson siguru di numeru di dias ki un algen duenti ku COVID ten di fika izuladu, y kes ki foi ixpostu a COVID ten di fika di kuarentena. Dispôs un analizi kuidadozu y txeu konversason ku Kumison di Saudi Publiku di Boston, BPS adota kes siginti novu protokolu li. Rizumindu, un alunu ki konfirmadu puzitivu pa COVID-19 ten ki fika izuladu minimu 7 dia y pode volta na 8° dia si es kativer más sintoma y es ta konsigi uza un máskara. Kazu kontráriu, el ten ki fika izuladu duranti tudu kes 10 dia. Si un alunu for ixpostu a COVID-19 tantu na skola komu na for a di skolam es KA meste fika di kuarentena si es sta vasinadu y pode uza un máskara oras ki es stiver na skola ô na kaza y ixpostu a un individu puzitivu. Si un alunu ka stiver vasinadu mas ta pode uza máskara, es ten ki fika di kuarentena pa 5 dia y volta na 6° dia desdi ki es ka dizinvolve sintoma. Si un alunu ka sta vasinadu y ka ta pode uza máskara, el ta bai meste fika di kuarentena pa 10 dia. N sabe ma é txeu! N le-l faxi tanbe, e txeu bes ten purguntas ki ta rizulta di kes tipu di mudansa li. Nton Prusésu di Testi na Alunu y atualizasons di kuarentena y izulamentu ta bai kontinua a ser kumunikadu frikuentimenti pa Lieris Skolar, Infermeras, y Pais. Pa más ditalhi sobri kel orientason atualizadu li, pur favor vizita nôs website na [bostonpublicschools.org/COVID-19](https://www.bostonpublicschools.org/COVID-19). Más un bes, kes novu pulitika li ta bai entra en vigor 7 di Marsu di 2022, u ki ta da-nu tenpu pa partilha kel atualizason li y risponde purguntas.

Simana pasadu, Governador Baker anunsia fin di obligatoriedádi di uzu di máskara di Commonwealth na skolas apartir di 28 di Febréru. Kel-li signifika ma skolas di Commonwealth

tersa-fera, 15 di Febreru di 2022

sta risponsável pa skodje si es ta implimenta ô ilimina ses izijénsia di uzu di máskara. Pa gosi, dispôs di konsulta Prizidenti di Kámara Wu y Kumison di Saudi Publiku di Boston, Skolas Publiku di Boston ta bai kontinua ku nôs atual izijénsia di uzu di máskara pa tudu alunu y funsionáriu inkuantu stuver na nôs skola y na nôs autokaru. Uzu di maskara ten sidu un di kes aspetu más inportanti di nôs trabadju en rilason a saudi y siguransa na skolas, y nu ta bai kontinua ta iziji máskaras pa tudu alunu y funsionáriu na instalasons di BPS y na nôs autokaru skolar. Nu ta bai munitora dados y tendéncias y kumunika kualker alterason na nôs pulitika di uzu di maskara en konformidádi ku BPHC, nôs familias y funsionáriu. N-es meu termu, dja nu kumesa intrega novus maskara pa skolas, inkluzivi maskaras KN95 pa alunus y funsionáriu. 24.000 dja foi intregu y sta ser riabastisidu konformi pididu di skolas atraves di un Sistema difinidu pa PPE na distritu. Ten más di 250.000 máskara guardadu. Para alen di kela, BPS sta ta disponibiliza más 300.000 máskara. Kes-li é mesmu máskaras ki EMTs y otus prufisional médiku ta uza. Dispôs di konsulta ku Kumison di Saudi Publiku di Boston, kualker algen ki skodje un maskara N95 ta bai resebe informason di CDC pa justa maskara. Nu sta ta disponibiliza máskaras N95 pa alunus di 18 pa riba e tanbe funsionáriu. Es pode ser rikizitadu na skola. Y finalmenti, N ta bai kontinua ta sublinha inportáncia pa bo, pa tudu algen na bu agregadu familiar, y bu(s) alunu di toma vasina kontra COVID-19. Kel-li é uniku manera di nu rikupera algun sensason di normalidádi. Bu pode txoma pa médiku di bus alunu ô vizita Kámara di Boston ô website di BPS na bostonpublicschools.org/vaccines pa más informason sobri klinikas, datas, oráriu y instalasons pertu bo.

Komu lenbreti, prósimu simana apartir di Sigunda fera 21 di Febreru ti Sexta fera 25 di Febreru é Férias di Febreru na BPS. Ka ta bai ten aula pa alunus, y ses idukador ka ta bai kumunika pa ses skola. Ten sidu sin un anu txeu difisil, nton N ta spera ma tudu funsionáriu di skola ta ten algun diskansu y rilaxamentu, y nôs alunu ta bai apruveita ses féria di skola y partisipa na alguns atividádi inrikisidor ki BPS sta ta oferese. Bu pode atxa atividádis di inrikisimentu pa alunus di BPS duranti Férias di Febreru na nôs website na www.bostonpublicschools.org/february. Komu un lenbreti, nôs Dipartamentu di Instalason ten stadu ta kria pakotis skolar di testi rapidu. Kes pakoti ta bai garanti ma tudu alunu y funsionáriu au longu di distritu ta pode leba un kit pa kaza antis di féria di Febreru. Kada kit ten dôs testi rápidu. Nu ta pidi pa kada alunu faze un testi rapid una Domingo, antis di volta pa ses idifisiu di skol ana Sigunda fera, 28 di Febreru. Nu ta pidi pa ki si bu tiver un testi puzitivu, pa bu kumesa prusésu di kuarentena y izulamentu sima mensionadu antis, y kumunika kel informason pa bu skola. Más un bes, bu pode atxa orientasons di izulamentu y kuarentena atualizadu na bostonpublicschools.org/COVID-19.

Tanbe sta bai kontise duranti Férias di Febreru nôs Acceleration Academies. **Acceleration Academies é prugramas akadémiku ku un simana di durason ki ta kontise for a di anu letivu tradisional y ta prupursiona más tenpu di instruson na Foku na ELA, Ideias Xavi y Ditalhis ku Textu Infurmativu na Febreru y Foku na Matimátika, duminius spisifiku asusiadu ku maioria di trabadju na aulas di Abril duranti férias di skola.** Akademias e konsebidus pa silera aprendizajen di alunus na senáriu pikintois akadémikamenti rikus alavankadnu lisons kativantis y alinhadus ku padrons. Lisons konstruidu pa um tarefa performativu baziadu na prujetus/prublema ki ta oferese alunu um xansi di integra se aprendizaje, reforsa kompetensias akadémikus y involvi ku textus y tarfas kompleksus. Academies pode disponibiliza alunu un apoiu direcionadu pa dumina nivel di padrons di klasi y silera más inda alunus avansadu. BPS ta bai foka na nisisidádis di studantis puliglota, alunus ku difisiénsias y alunus ki ta identifika di dôs forma. Pur falar na oportunidádis di inrikisimentu, rijistru pa nôs

tersa-fera, 15 di Febreru di 2022

prugrama di veron ta bai kumesa na miadus di Marsu. Pur favor fika ku odju abertu sima nu ta bai kumesa dispunibiliza más atualizason au longu di prósimu més y sima inskrisons ta kumesa. Na ultimu veron. Nu atinji un numeru rekordi di oportunidádis dispunivel pa nós alunu, y nu ta spera involve inda más alunus ku atividádis inrikisidor, aprendizájen di veron y oportunidádis di inpregu es veron.

Priudu prioritáriu pa inskrison pa anu letivu 2022-2023 pa alunus ki sta ta entra Jardin, 1°, 2°, 3°, 4°, 5°, 8°, 10° y 12° anu dja kumesa y ta bai fitxa dia 1 di Abril. Familias ta bai nutifikadu sobri ses numiason na final di Maiu. Fazi di rijistru prioritáriu pa Jardin 0 y 1 anu, 6°, 7°, y 9° dja fitxa. Maioria di alunus na kel ronda li ta bai resebe numiason na final di Marsu, ixseptu alunus di 7° anu ki ta nutifikadu na Maiu, u ki ta pirmiti distritu primeru tra alunus ki sta pa faze izami, u ki ta aumenta asésu di alunus a ses iskolha skolar. Pur favor sabe ma familias inda pode inskreve ka kes anu li atraves di Sentrus di Akulhimentu y ta bai inkluidu na prósimu ronda di numiason. N ten prazer di kumunika ma ikipa di Sirvisus di Akulhimentu resebe di volta 100% di furmuláriu di iskolha di skola di nós alunu di Trotter and King ki sta pasa ô transfiri pa 7° anu. N kre agradese-s pa ses sirvisu inkrivel ku kes alunus li y ses familia. Pa nós familia ki inda sta avalia opsons, nu ta inkuraja-u txeu a vizita DiscoverBPS.org, nós mikanismu di piskiza skolar ki ta djuda pais na analiza opsons, piskiza sertus itens, y ainda klasifika iskolhas! Bu pode vizita Discover BPS atraves di www.discoverbps.org. Pur favor manda email pa welcomeservices@bostonpublicschools.org with any questions.

Pur ultimu, mas sertamenti ak menus inpurtanti, dja txiga ora di pristijia nós Xefi di Gabinete di BPS, Mary Dillman, ki sta ben dexa si postu dispôs di Férias di Febréru. N partilha kel nutisia li pa primeru bes ku nha ikipa na Janeru ku txeu imuson. N sta sobritudu xeiu di gratidon y un poku tristi, pamodi Mary ten sidu un verdaderu kanpion di BPS. Kuandu Mary konkorda pa primeru bes na presta sirvisu komu Xefi di Gabinete, el konprumete ku dizoitu més di sirvisu na kel papel la, y dja nu pasa kel priudu di tenpu la! N-es papel fundamental di lideransa, Mary ten sidu un konselhera di kunfiansa y un parsera di riflekson, y un difensora inkansável di kriansas. Mary ten sidu un orientason fundamental na tranzison pa diferentis fazi di pandimia y el pasa pa varius mumentus pa instruson rimoty y ibridu. Komu Xefi di Gabinete, Mary djuda traze más strtura pa nós gabinete sentral, ku intruduson di novus kuadrus pa planiamentu y kulaborason, y novus sitema pa dukumentason internu y tomada di disizon. El difende kriason di kondison di trabadju ki ta mostra ruspetu pa nós funsionáriu y aumenta nós kapasidádi di rikruta y mante funsionáriu talentozu, inkluidu, más risentimenti, dizenvolvimentu di un pulitika ixperimental di trabadju fleksivel. Duranti si mandatu, nós Distritu dikreta varius mudansas pulitiku inportanti ta prokura aborda bareras sistemátiku pa ikuidádi idukasional, inkluidu mudansas rivulusionáriu en rilason a inskrison na izamis di skola y adoson di rikizitus kumun pa finalista na MassCore. Antis di el ser Xefi di Gabinete, Mary trabadja na diversus puzison na BPS, inkluidu Diretora Izikutivu di Gabinete di Dadus y Kontabilidádi y fundadora di Ikipa di Konsulta di Dadus. Na kes papel li, Mary dizinvolve ikipas forti ki kultiva firamentas ifikas di coaching, avaliason, investigason y di análizi fetus pa djuda idukadoris na intende aprendizájen di alunus y midjor manera ki nu pode apoia-s. N ka ten duvida ma kontribuisons ki el faze na BPS ta bai dura mutu más ki se tenpu na nós distritu. Sima Mary ta pripara pa se prósimu Aventura prufisional y algun tenpu ku familia ben meresedu, pur favor djuda-n ta agradese-l pa ses kuazi 12 anu di sirvisu inkalkulavel na Skolas Publiku di Boston. A sigir a partida di Mary, N ta bai kunfia na Adjuntu Despina, Adjuntu Echelson y Xefi di Skolas Corey Harris pa aji komu un ikipa di apoju. Es ten sidu lideris inkrivel duranti ultimus més y N sta ansiozu pa kontinua nós inportanti trabadju

tersa-fera, 15 di Febreru di 2022

djuntu ku es y tudu ikipa izikutiva. Mary, N ta dizeja-u un vida xeiu di susésu, filisidádi y ixselénsia.

Keli e rilatóriu di nha superintendente pa és noti.

Sr. Cardet-Hernandez purgunta ki tipu di tendénsias di inskrison ki distritu sta ta ispiensia ku atual prusésu di rijistru pa SY 2022-23. Denise Snyder, Xefi Interinu, Gabinete di Prumuson di Familia y Kummunidádi, ofere se pa informa Kumite sobri tendénsias.

Sra. Lopera purgunta si tudu skola tevi mesmu oportunidádi di rializa Acceleration Academies y kantu alunu ta bai ser kunpanhadu duranti més di Febréru y Abril. Superintendenti Adjuntu di Academics Drew Echelson fla ma tudu skola oferesedu oportunidádi di organiza Acceleration Academies; 67 skolas konkorda na partisipa na Febréru. Sra, Lopera purgunta sobri inskrison, rikrutamentu y prusésu di komunikason ku skolas y familias. Dr. Echelson fla ma distritu prioritize studantis multilingui y alunus ku difisiénsia mas ma inskrison pa Acceleration Academies é abertu. Ta bai disponibilizadu transporti y rifeison di grasa pa prugrama, ki ta kontise na ajenda di un dia normal di skola. Skolas ta inkurajadu a faze parsisria ku organizasons kumunitáriu pa disponibiliza kuidadus dia interu. Dr. Echelson ofere se pa da sigimentu ku lista di skolas ki sta partisipa.

Dr. Alkins purgunta sobri priferénsias di skola pa Acceleration Academies. Echelson fla ma más skolas mostra interese na organiza prugramason di Abril du ki prugramason di Febréru.

Sr. Cardet-Hernandez sulisita un atualizason sobri kontrolus ki Superintendenti sta ta implimenta pa garanti integridádi di dadus di graduason. Superintendenti konkorda ku sigi ku informason.

Sra. Robinson purgunta sobri kunprimentu di uzu di máskara entri alunus. Superintendenti splika ma inkuantu ninhun avaliason formal ka for rializadu, el pode fla abertamenti mabaxu kunprimentu di uzu di máskara pode atxadu entri klasis más infantil y entri alunus ku difisiénsias kompleksu ki ten difikuldádi na uza máskara. Sra. Mercer fla ma el ten stadu ta odja kunprimentu a nivel di liseu.

Aprovadu– na xamada nominal, Kumite unanimamenti aprova Rilatóriu di Supertendenti.

KUMENTÁRIU DI PUBLIKU EN JERAL

Siguintis alguem textemunha a respetu di futuru di P.A. Shaw Elementary School

- Karina Dyer, rizidenti di Mattapan y aluna na Shaw
- Keicha Gedeon, rizidenti di Dorchester y aluna na Shaw
- Kwamane Ellis, rizidenti di Mattapan y aluna na Shaw
- Nakevia Hall, rizidenti di Mattapan y mai di alunu na Shaw
- Bridget Reyes Zuniga, rizidenti di Dorchester y aluna na Shaw
- Felito Diaz, rizidenti di Dorchester y aluna na Shaw
- Karen Lajara, rizidenti di Dorchester y mai di alunu na Shaw
- Ilene Carver, rizidenti di Dorchester y profesora na Shaw

tersa-fera, 15 di Febreru di 2022

Sigintis pisoa atesta kontra tentative di Memorandu di Akordu entri Skolas Publiku di Boston y Sindikatu di Profesoris di Boston en Rilason a Pulitika di Virifikason di Vasina:

- Denise Lupianez, rizidenti di Dedham y profesora di Skola Trotter di Jardin ti 8° anu
 - Trisha Flaherty, rizidenti di Hanover y fasilitadora di koneksions kumunitáriu
 - Ketylia Felix, rizidenti di Framingham y profesora di BPS
 - Rachelle Milord, rizidenti di Hyde Park y profesora di BPS
 - Maggie Mancuso rizidenti di Dorchester y profesora di Kenny Elementary School
 - Laura Ross, rizidenti di Revere residenti y profesora di Umana School
 - Liz Gomes, rizidenti di Hyde Park y mai ku alunu na BPS
 - Rebecca O'Donnell, rizidenti di Scituate y profesora di BPS
 - Andrea Higgins, rizidenti di South Boston y profesora di BPS
 - Tracy Doyle, Dorchester resident y profesora di BPS
-
- Robert Jenkins, rizidenti di Mattapan y difensor kumunitáriu, testified regarding the school start time for Madison Park Technical Vocational High School
 - Edith Bazile, rizidenti di Hyde Park y difensora kumunitáriu, atesta en rilason a idukason spisial y alfabetizason.
 - Adrienne Level, rizidenti di Canton y profesora na Boston Day and Evening Academy, atesta pa apoiu na mante BDEA lukalizadu na Edifisiu Timilty.
 - David Jones, rizidenti di Dorchester resident y profesor na Boston Day and Evening Academy, atesta en apoiu na mante BDEA lukalizadu na Edifisiu Timilty.
 - Alisa Hunter, rizidenti di Brockton y difensora kumunitáriu, atesta pa apoiu na mante BDEA lukalizadu na Edifisiu Timilty.
 - Sharon Hinton, Hyde Park resident and founder of Black Teachers Matter, testified regarding the Boston School Committee, budget and teachers.
 - Aimee VanWagenen, rizidenti di Hyde Park y profesora na Boston Green Academy, atesta en apoiu a pruposta di konpensason di Horace Mann.
 - Dr. Sarah Cherry Rice, rizidenti di Jamaica Plain, mai y difensora kumunitáriu, Digital Ready, atesta e rilason a Early College Innovation Academy.
 - Mike Heichman, rizidenti di Dorchester y menbru di Aliansa pa Justisa na Idukason di Boston, atesta en rilason a tranzisions di lideransa na BPS.

ITEM DI ASON

Aprovadu – Na xamada numinal, Kumite aprova unanimementi muson pa aponta sigintis menbru di Forsa di Trabadju Konjuntu ELL; Menbru di Kumite Rafaela Polanco Garcia ta bai presta sirvisu komu ko-prizidenti di forsa di trabadju konjuntu ELL; y Roxi Harvey, prizidenti di Konselhu Konsultivu pa Pais di Idukason Spisial di Boston (SpEdPAC), ta bai presta sirvisu komu menbru di forsa di trabadju konjuntu ELL

Sr.Polanco Garcia agradese Kumite pa oportunidádi di presta sirvisu.

RELATORIUS

tersa-fera, 15 di Febreru di 2022

Pagamentu pa Tenpu Prulongadu na Skola Autónumu di Distritu - Diretor Finanseru Nate Kuder aprizenta pididu di Superintendenti pa Kumite aprova un alterason na kompensason pa profesoris di kuátu skolas autónumu di Horace Mann: Boston Green Academy; Dudley Street Neighborhood Charter School; UP Academy Boston; y UP Academy Dorchester. Mudansa é konsistenti ku kompensason pa funksionárius na otus distritu skolar. Orgons diretivu di kes kuátu skola dja aprizenta kartas di apoiu pa aumentu di kompensason pa oras di trabadju prulongadu. Valor istimadu é di \$800.000, u ki distritu dja inklui na si pruposta di orsamentu di tenpu prulongadu pa FY23.

Sra. Robison purgunta si ten algun otu tipu di skola ki ten ajendas salarial diferenti. Sr. Kuder fla ma skolas di Dever and Holland, ki anbus sta na adiministrason publiku, ten orárius di kompensason diferenti mas tudu kes otu skola ten orárius konsistenti ku pagamentu na tudu tipus di skola.

Sr. Cardet-Hernandez purgunta sobri orijen di pididu. Sr. Kuder fla ma foi fetu pa lideris skolar y apoiadu pa Superintendenti.

Kumite sta ajendadu pa vota sobri rikumendason na si prósimu reunion ordináriu na 16 di Marsu.

Atualizason di Prusésu di Prokura di Superintendenti - Prizidenti Robinson anunsia ma Superintendenti Cassellius ta dexaba reunion na kel parti di diskuson li y ta voltaba más tardi.

Sra. Robinson fla ma, na inisiu d-es més. Prizidenti di Kamara Michelle Wu y Superintendenti Cassellius txiga na un akordu ma Superintendenti ta saiba na final di Anu Letivu na Junhu di 2022. Sima é kumun ku tudu novu adiministrador, Prizidenti di Kámara ten vindu a riuni si ikipa di lideransa y rikruta más individus ki ta bai djuda implimenta si vizon pa Boston. Sra. Robinson agradece Prizidenti di Kámara y Superintendenti pa forma intensional y ruspeitozu modi ki es aborda es akordu li. Ka ten duvida ma BPS faze prugrésus signifikativu sob lideransa di Superintendenti Cassellius, na parsiria ku Kumite Skolar y Sidádi.

Desdi aprovason di pulitikas, pasandu pa diresonamentu di novus invistimentu stratéjiku, ti kunprumisu ku sulusons más ikuitativu ku alunus y familias na sentru, BPS sta na un puzison forti pa avansa. Timing faze tudu sentidu pa da BPS oportunidádi di identifika un susesor, inkuantu ki Superintendenti Cassellius ta kontinua ku inportanti trabadju pa restu d-es anu letivu.

En rilason a tranzison di Superintendenti, Sra Robinson splika ma Superintendenti Cassellius ten un kontratu di trabadju ku Kumite Skolar. Pa ditirmina prósimus pasu apurpriadu pa tranzison di Superintendenti Cassellius, Kumite involve Konselheru Juridiku di Korporason pa djuda na preparason di un akordu di siparason. Konselheru Juridiku di Korporason fornese un pruposta di akordu di siparason ki ta bai di akordu ku termus di kontratu di Superintendenti y sta konsistenti ku akordu parsidu na pasadu. Kumite Skolar foi informadu na un sison izikutivu na inisiu d-es noti sobri putensial termus di akordu di siparason y el ta bai rializa un reunion spisial di Kumite Skolar pa foka na prokura di Superintendenti na dia 2 di Marsu. Duranti kel reunion, Kumite ta bai partilha ditalhis di akordu di siparason di Superintendenti publikamenti y Sra. Robinson ta bai pidi Kumite pa auturiza-l komu prizidenti pa konkorda y sina akordu.

**Reunion rimotu di kumite Skolar di Boston
Zoom**

tersa-fera, 15 di Febreru di 2022

Sra. Robinson nton pasa pa prósimus pasu di prusésu di piskiza superintendenti. Konstandu ma Kumite ten kuátu menbru ki ten stadu ta presta sirvisu pa un bukadinhu menus ki un anu, el konvida Glenn Koosher, direktora izikutivu di Asusiason di Kumites Skolar di Massachusetts, pa aprizenta un vizon jeral di kuzé ki un prusésu pa prokura di superintendenti ta implika, y tanbe kontextu spisifiku di Boston. Sr. Koocher splika prusésu di vagas. El fala sobri u fatu di BPS ser un distritu skolar atrativu ku ilevadus spetativa y grandi putensial.

Dr. Alkins purgunta ki pasus pode ser tomadu pa silera prusésu di piskiza. Sr. Koocher splika ma alguns pasus na prusésu pode subripoi a kunpanheru. Pur izénplu, inkuantu ki Kumite sta ta seta kandidaturas, el pode kontinua ta rikolhi feedback ki ta bai informa análizi di kandidátus pa Kumite di Prokura. Sr. Koocher sujere ma kumite pa prokura pode kre konsidera pusibilidádi di inkurta tenpu di inskrison pa kargu. El fla ma un kumite pa prokura ki é más pikinoti na tamanhu normalmenti ta trabadja di forma más ifikas y rapidu du ki un kumite grandi.

Sr. Cardet-Hernandez purgunta pa tamanhu idial di kumite di piskiza. Sr. Koocher fla ma kuantu más pikinoti kumite for, más fasil é di jiri y normalmenti más ifikas. El fla ma tamanhu di kumite ka ten inpaktu na kualidádi di rikrutamentu ô kandidátus. Sr. Cardet-Hernandez purgunta sobri uzu di un inpreza di piskiza. Sr. Koocher fla ma inprezas pa prokura pode ser util na virifikason di kandidátus, e elf la inda ma nunca el odja distritus di tamanhu di Boston, ta aji ton rapidu, ki ka uza un inpreza pa prokura.

Dr. Alkins purgunta Sr. Koocher si dj-el odja más kandidátu ta ben di inprezas pa prokura ô atraves di otus sirkunstánsia. O Sr. Koocher fla ma é pruvavel ki kandidátus ser orientadu a kandidata atraves di monti via, mas ma inprezas pa prokura pode ser util na isklaresimentu di rumoris ki pode surji. El fla ma Konselhu di Maioris Skolas di Sidádi (CGCS) tanbe pode ser un rikursu util.

Sr. O'Neill fla ma di akordu ku CGCS, atualmenti ten 18 prokuras di superintendent ki sta ta uza inprezas pa prokura. El nota ma Boston ten un ixsilenti riputason y ta bai ser vistu komu un puzison atraenti ku txeu pusibilidádi ku kumunidádi di insinu superior y intizuiasmu en rilason a lideransa di Prizidenti di Kámara Wu. El fala sobri pruvavel dizafius, ki ta inklui txeu superintendenti ta dexa ária ô algun sentimentu di obrigatoriedádi di apoia ses atual distritu rikupera di pandimia. Sr. O'Neill isklarese ma risponsabilidádis di Kumite Skolar é aprova kumite di prokura ki prizidensia rikumenda, aprova sileson di un inpreza pa prokura, vota na diskrison di trabadju di superintendent, organiza intrivistas publiku di kandidátus final, y vota na final di sileson.

Sr. Cardet-Hernandez inkuraja Kumite a fika atentu na formas di torna superintendénsia na un trabadju konvinsenti y sustentavel ki ta pirimiti un mudansa transformativu.

tersa-fera, 15 di Febreru di 2022

Sra. Robinson konkorda ku abordajen Prizidenti di Kámara Wu ma Kumite meste aji rapidamenti y debe djobe algen ki ten ispiriénsia ku lideransa idukasional y sta familiarizadu ku sidádi di Boston ô Skolas Publiku di Boston. Tradisionalmenti kel prusésu li leba más ki 5 més, mas Kumite analiza kuzé ki kontise na pasádu y kuzé ki é nisisáriu sen dexa di ladu sentidu di urjénsia n-es mumentu. El fla ma kriansas sta ansiozu y ipresa otimismo ma Kumite ta pode identifika midjor kandidátu y incorpora vos di kumunidádi. El fla ma identifika un algen ki konxi y ta intende distritu y kumunidádi di Boston ta ser inportanti komu prósimu pasu tendu en konta spasu di tenpu aseleradu.

Sra. Robinson fla ma prusésu li é urjenti pamodi monti grandis distritu sta ta djobe un Superintendenti. Ten pelu menus 18 vaga entri kes 76 maior distritu skolar publiku urbanu. El fla ma Boston ta odjadu txeu komu un lugar undi pode konkistadu monti kuza y ten txeu interese nasional na lideransa di Prizidenti di Kámara Wu y trabadju di Kumite. Insinu Supirior, inprezas, organizasons sen fins lukrativu, y kumunidádis filantrópiku na Boston sta prontu pa kontinua ta apoia nôs alun y funsionárius komu verdaderus parseru.

Kumite ta bai rializa un reunion spisial di Kumite Skolar dia 2 di Marsu di 2022 ki ta bai foka na inisiu di prusésu di prokura di Superintendenti. Na kel reunion, Kumite ta plania identifika y vota na konpuzison di kumite di prokura y diskuti prusésu di involvimentu kumunitáriu. Ku bazi na Pididus pa Kualifikason uzadu na prusésus di prokura di 2014 y di 2018, BPS ta bai pripara un RFP pa konvida pruposta pa un inpreza ki ta prokura superintendenti.

Sra. Robinson klarifika funsons y risponsabilidádis:

- **Kumunidádi** ta bai apoia prusésu atraves di partilha di ses parser ku nôs. Nu ta bai rializa reunion, mas tanbe nu ta bai disponibiliza spasu pa menbrus di kumunidádi manda-nu ses ideia. Ma dja nu ten kandidátus final nu ta bai trás di apoiu y parser kumunitáriu tanbe na prusésu publiku di intrivista.
- **Kumite di prokura** é risponsavel pa rializa riunions kumunitáriu ki ta bai leba-s a pripara un diskrison di inpregu, y ma dja nu kumesa resebe kandidaturas, es ta bai analiza kurikulum y intrivista kandidátus, pur fin, streta grupu di kandidátus na alguns kandidátu pa rikumendason.
- **Kumite Skolar** ta bai partisipa di sions di Audiensia Kumunitáriu, vota pa aprova diskrison di inpregu y skodje firma pa prokura, partisipa di prusésu di intrivista final ku ultimus kandidátu, y pur fin vota an sileson di prósimu Superinendenti.

KUMENTÁRIU PUBLIKU SOBRI RELATORIUS

Ninhun.

NOVU NEGOSIU

Dr. Alkins pidi pa lideris di distritu da sigimentu en rilason a priokupasons ki menbrus di kumunidádi Boston Day and Evening Academy aprizenta durante kumentáriu publiku.

Reunion rimotu di kumite Skular di Boston
Zoom

tersa-fera, 15 di Febreru di 2022

Sr. Cardet-Hernandez riafirma pididu ki dje fazeba pa pidi informason sobri stuturas internu ki Superintendenti sta poi en pratika pa garanti integridádi di dados di finalista, y tanbe análizi di propi distritu sobri dados di finalista. Superintendenti konkorda na da segmentu ku mas informasons.

ADIAMENTU

Pa volta di 21:50, Kumité vota pa unanimidadi, pa xamada numinal, adiantamentu di riunion.

Atestadu:



Elizabeth Sullivan
Sikretária Izekutiva